

Salam sejahtera dan salam 1 Malaysia saya ucapkan kepada Pengerusi jawatan kuasa pilihan khas parlimen Datuk Dr Maximus Ongkili serta YB-YB sekalian dalam jawatankuasa pilihan khas parlimen berhubung dengan reformasi pilihanraya, Nama saya Dhinesh Thinakaran dan saya mengetuai pergerakan Putera MIC negeri Selangor Darul Ehsan. Selepas berdialog serta perbincangan mendalam antara kalangan ahli-ahli kita di seluruh negeri Selangor kami EXCO Negeri PMICS telah menyenaraikan satu siri cadangan yang kami ingin membentangkan pada pagi yang mulia ini berhubung dengan reformasi pilihanraya. Terlebih dahulu saya ingin mengucapkan terima kasih kepada YAB PM DATO SERI NAJIB TUN RAZAK atas pandangan jauh beliau dalam membentuk jawatankuasa bi partisan ini dalam usaha mereformasikan proses pilihanraya di negara kita. Saya juga ingin mengucapkan terima kasih kepada Yb-YB sekalian untuk peluang membentangkan cadangan pergerakan kami di forum ini. Tanpa melengahkan masa, berikut adalah cadangan kami:

1) PENGGUNAN DAKWAT KEKAL ATAU INDELIBLE INK

YB-YB sekalian isu phantom voters sering diperkatakan apabila topik pilihanraya dibincang, untuk menamatkan segala kemuskilan dan spekulasi serta memberikan keyakinan kepada rakyat pergerakan Putera MIC Selangor ingin mencadangkan penggunaan dakwat kekal dalam pilihanraya sebagai satu langkah mereformasikan proses pilihanraya. Kami berpendapat langkah sedemikian akan mendemonstrasikan aspirasi kerajaan untuk memastikan ketelusan pilihanraya dan sekali gus mengatasi isu pengundi hantu.

2) TEMPOH KEMPEN DARI 7 HINGGA MAKSIMA 14 HARI

YB-YB sekalian pergerakan kami berpendapat yang 7 hingga maksima 14 hari untuk berkempen adalah tempoh yang sesuai untuk parti-parti politik berkempen. Kami rasa yang tempoh yang terlalu panjang tidak membawa manfaat kepada pihak-pihak yang terlibat. Antara kos yang tinggi akibat tempoh kempen yang terlalu panjang adalah belanjawan dalam wang ringgit untuk parti politik serta masa untuk ahli-ahli parti politik yang berkempen. Selain itu dari segi ekonomi pula tempoh yang panjang tidak kondusif untuk pasaran syer dan untuk FDI. "traditionally markets forces are wary of the instability when there isnt a sound government in place" dan tempoh berkempen panjang akan merumitkan lagi keadaan ini. Justeru itu pergerakan kami ingin mencadangkan tempoh berkempen 7 hingga maksima 14 hari

3)UNDIAN AWAL ATAU EARLY VOTING SEKURANG-KURANGNYA 24 JAM LEBIH AWAL

YB-YB sekalian kami di PMICS ingin mencadangkan yang kesemua tenaga kerja dan kakitangan yang mengambil bahagian dalam mengendalikan pilihanraya diberikan kemudahan mengundi awal sekurang-kurangnya 24 jam sebelum pilihanraya dijalankan. Ini adalah untuk memastikan yang mereka yang menolong dalam proses pilihanraya tidak mengabaikan tanggungjawab mereka untuk menjadi pengundi juga. Kami rasa yang 24 jam lebih awal adalah sesuai untuk mereka yang perlu balik ke halaman kampung untuk mengundi dan balik ke tempat mereka bertugas semasa pilihanraya.

4)MENJADIKAN PENDAFTARAN PENGUNDI AUTOMATIK DENGAN KAD PENGENALAN 21 TAHUN

Yb-YB sekalian untuk cadangan ini menjadi praktikal ia memerlukan perubahan kepada 2 entiti yang berbeza iaitu jabatan pendaftaran negara dan suruhanjaya pilihan raya. Buat masa ini kad pengenalan yang diperolehi pada umur 12 tahun perlu ditukar apabila warganegara menjangkau umur 18 tahun dan sebelum berumur 25 tahun. Kami mencadangkan kepada jawatankuasa ini untuk menjadikan penukaran kad pengenalan tersebut pada umur 21 tahun dan sekali gus dengan proses ini pendaftaran pengundi dilakukan supaya kesemua pengundi yang berumur 21 tahun akan didaftarkan secara automatik. Mengundi itu adalah satu tanggungjawab yang penting untuk seseorang wargenegara dan jika cadangan ini diimplimentasikan maka ia mempermudah pengundi untuk menjalankan tanggungjawab mereka. Dengan cara ini parti-parti politik juga akan dibebaskan dari pembaziran wang dan masa dalam mengekalkan program-program mendaftarkan pengundi.

5) AKSES MEDIA YANG ADIL DAN SAKSAMA

Yb-Yb sekalian untuk membuat sesuatu keputusan yang bijak seseorang itu perlu didedahkan kepada kesemua informasi yang relevan. Dalam erti kata pilihanraya media awam patut memainkan peranan penting dalam membantu para pengundi membuat "informed choice". Oleh yang demikian kami di PMICS ingin media massa awam untuk memainkan peranan mereka sebagai "the fourth estate" dan memberikan semua parti politik peluang yang adil untuk bersuara kepada rakyat umum dengan cara yang adil dan saksama. Yang betul patut berani dan semua calon serta parti politik mempunyai hak untuk didengar oleh para pengundi.

Kami di PMICS berharap yang cadangan-cadangan ini diambil dengan hati terbuka oleh jawatankuasa ini dan kami pasti yang jawatankuasa ini akan menagambil langkah langkah yang sewajarnya untuk memartabatkan sistem pilihanraya negara. Sekali lagi saya ingin mengucapkan terima kasih kepada pengerusi jawatankuasa Datuk DR Maximus Ongkili serta yb yb lain dalam jawatankuasa ini. SEKIAN TERIMA KASIH